

曾遭狂迷起底寓所地址

愚人節收玫瑰 江嘉敏疑被整蠱



■江嘉敏離開無綫後工作不斷。

江嘉敏昨日到觀塘出席商場活動，吸引大批市民圍觀。她自爆凌晨12時收到99支玫瑰花，但因昨日是愚人節，不知道被誰整蠱。她又稱稍後會參演音樂劇，現正積極練歌和跳舞。

江嘉敏自從2月離開無綫後，工作接個不停。昨日她到觀塘出席商場活動時透露，愚人節凌晨12時收到99支玫瑰花，但不知道是誰送花。問到有否懷疑對象？她笑言：「好多喎！我都喺網上搜尋過愚人節送花嘅含意，係咪代表整蠱人。（送99支玫瑰整蠱你，好大手筆喎！）唔係喺情人節買，應該會平啲嘅。」提到送花的人知她寓所地址，她表示很多朋友都知道，最恐怖反而是曾在社交網收到私訊，詳細列出她住哪棟大廈及幾座幾樓。

否認富貴醫生送花

她得咸稱經常收花：「有男有女，生日收花好正常！（係咪富貴醫生送？）唔係，之前有問佢，我仲話『不如認咗佢，請我食飯好過』，但佢話唔係佢，唔係就唔係，咁到底係邊個呢？好出嚟認咗佢，畀我講聲多謝都好！」問到富貴醫生有否呷醋？江嘉敏反問：「點解會呷醋？唔好亂寫亂講，係先好講。依家未係，交流吓先，我依家努力工作先。（爭啲乜？）隨緣，冇得夾硬嚟。（如果係佢送呢？）多謝囉！」並強調自己現時單身。

江嘉敏透露有份演出的音樂劇《我的青春日誌》快將公演，首次做舞台劇的她努力健身和練歌，已瘦了兩三公斤。她表示飾演校長，將客串4場：「我完全係一張白紙咁入去，我要比其他入更努力，需要唱歌跳舞十幾分鐘。（你唱得？）我實話唱得。」問到有否壓力？她坦言有，因自己沒經驗，導演陳恩碩也叫她不要給自己太大壓力。



■今年情人節，江嘉敏亦收到大紫玫瑰花。資料圖片



■江嘉敏於音樂劇飾演校長。資料圖片

張慧儀否認為富商生仔 「大不了驗DNA」

近日有傳張慧儀為富商誕下私生子，日前她接受網上節目訪問時強烈否認，之後節目再上載另一段訪問片，張慧儀表示願意帶養子Hanson驗DNA證清白。她表示當年很想做媽媽，有次到孤兒院做義工遇上Hanson，得知Hanson患先天性心臟病，覺得他很難被人領養，因而產生憐憫之心，決定以單親身份領養對方。她坦言與養子互相改變一生：「呢個小朋友係負責任，佢反而幫我過濾一啲唔適合嘅人，如果真係愛你嘅人，佢會接受你所有嘢。」

對於養子Hanson外貌被指與某富商相似，她激動說：「大不了驗DNA！」她指謠言對小朋友影響很深：「好好玩咩？好好笑咩？我覺得唔好笑，到此為止！亦唔需要再去猜測，呢個話題應該到此結束，講呢啲冇意義，何必貪一時口舌之快，講啲嘢影響到人。」



■張慧儀希望停止謠言，以免對小朋友造成傷害。

李佳芯想回到過去

■李佳芯離巢後有感而發。



視后李佳芯(Ali)去年底宣布約滿無綫，結束12年賓主關係。回復自由身的她日前現身商場出席汽車活動，透露已成立工作室，「錢」途掌握在自己手，但舊東家無綫沒有派員採訪。前日Ali於Ig分享在電車拍攝的照片，留言：「突然很想回到過去，跳上叮叮，任它帶去東與西。」Ali抒發內心世界所寫下的文字，令網民猜測她對前路感迷惘，紛紛留言鼓勵：「努力前行」、「若果回到過去卻不能改變過去，那不如讓回憶定格」、「返TVB啦！」

陳健安舊作突然翻Hit

陳健安新歌《不遲不早》MV邀得陳穎欣(Yanny)任女主角，Yanny飾演努力奮鬥的角色，她笑言：「通常拍MV都係做人女朋友，一係開心甜蜜，一係狠心飛人。」安仔坦言與Yanny有不少共通點，例如都是由組合轉為單飛發展。他感恩去年作品《戀愛腦之死》近期突然受到更多關注：「你永遠唔知個時機係幾時，大家要按照自己嘅節奏同標準去定義何謂成功。」Yanny認同說：「節奏慢嘅人都有自己嘅時間線，啲人成日話幾多歲要做啲



■陳穎欣為陳健安MV擔任女主角。

咩，其實都係你自己去設計，唔應該每個人一樣。」